



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1858

2388. Kurfürst Joachim`s Belehnung des Siegmund vom Berge mit
Besitzungen in und um Kottbus, vom 13. Dezember 1502.

Nutzungsbedingungen

[urn:nbn:de:hbz:466:1-56621](https://nbn-resolving.org/urn:nbn:de:hbz:466:1-56621)

einem ydem an seinen Rechten vnschedlich. Nachdem wir auch die lehenn, dy Andres von Czampter hievor heinczen grunenberger getan vnd dy wir vormals wideruffen haben, sollen hiemit auch widerruffen sein vnd bleiben. Czuurkundt etc. Datum mittwochs nach decollationis Johannis, Im XV^e vnd anderm Jar.

Relator dom. Joachim, princ. Elector.

Nach dem Churmärktischen Lehnscopialbuche XXX, 188.

2387. Notiz über eine Ausstattungs-Verschreibung des Kurfürsten Joachim für Fräulein Katharina von Hohenstein, vom 9. September 1502.

Mein gnedigster vnd gnediger herr haben frewichen katherinen vonn hontstein aus gnaden vnd vmb Irer dinst willen verschreyben V^e gulden, so sie sich zu elichen, werntlichen stand geben, oder I^e gulden reinisch, wo sie geistlichs stands vnd Im Closter bleyben wirt, auf Ir ansuchen allsdan zuuerreichen. Actum freytags nach Natiuitatis Marie, Im XV^e secundo.

Relator Doctor Ditterich von Difsrow.

Nach dem Churm. Lehnscopialbuche XXXII, 97.

2388. Kurfürst Joachim's Belehnung des Siegmund vom Berge mit Besitzungen in und um Kottbus, vom 13. Dezember 1502.

Vonn gotts gnadenn wir Joachim, Churfurst etc., Bekennen vnd thun kunth offentlich mit dissem vnnferm brieff etc. —, das wir vnnferm lieben getrewenn Sigmund vom Berge vnd seinen menlichenn leibs lehns Erben die guther, szo er hatt zu Strobicz, zu Strischo, zu doffenn, zu Grossenn vnd kleinen Gaglo, Auch ein gertner zu Brawuerczweig, das vorwergk vor vnnser Stat Cotbus gancz mit denn wifen, Item einen freien hoff dafelbst In vnnser Stat Cotbus, Item sechs scheffell korns vff der huffenn zinz, die gelegenn ist an der Silicher strafze vnd grencz mit hanfz schapeltiz vorwergk, mit allenn gnaden, freiheiten, gerechtigkeitten vnd zugehorungen, zu Rechtem manlehenn gnedicklich gelihenn haben, vnd lihen Im vnd seinen menlichen Leibs Lehns erben die obgeschriben gutter, jerlich zinz vnd Rentte mit aller gerechtigkeit vnd zugehorung, In massen er die bis her vonn vnnferm lieben herrn vnd vater, Marggraffen Johanfzen, loblicher gedechtnufz, zu lehen gehabt vnd gnoffzenn hat, zu Rechtem manlehen In crafft vnd macht diezs briues etc. —

Auch haben wir vmb seiner fleißigen beth, getrewen vnd willigen dinst, Izo er vnfern vorfaren oft vnd dicke gethan vnd vns hinfurder thun kan, mag, soll vnd will, Margarethenn vnd Agnesen, seinen Tochttern, die besunder gunst vnd gnade gethan, Szo der genante Sigmundt vom Berge, Ir vatter, mit sampt seinen menlichen leibs lehenns Erbenn tods halbenn abgenn vnd nicht menliche Leibs Lehenns erbenn hinder Im verlassen wurde, das sie alls danné solche obgeschriben guter vnd zinze von vns vnd der marggraueschafft zu Brandenburg zu Rechtem knechtlehenn habenn, nemen vnd entphaenn, vns auch dauon halten, thun vnd dinen sollen, als knecht lehenns recht vnd gewonhayt ist: vnd wir lihen In daran alles, was wir inen von rechts wegen daran vorlihen solenn vnd mogen, doch vnns, vnfern erben vnd nachkomen an vnfern vnd sunst einem idermann an seinem rechten on schaden. Zu vrkunth etc. vnd Gegeben zu Collen an der Sprew, am dinstag Lucie, Anno etc. XV^c Secundo.

Nach dem Churm. Lehnscopialbuche XXX, 134.

2389. Kurfürst Joachim und Markgraf Albrecht belehnen Thomas Zweck mit Besizungen zu Kunow und Boberberg, am 28. August 1503.

Vonn gotts gnadenn wir Joachim, Churfurst, vnd Albrecht, gebruder etc. —, Bekennen vnd thun kunt offintlichen mit dissem vnferm briue vor vns, vnfer erben vnd nachkomeñ Marggrauen zu Brandenburg vnd sunst vor allermeniglich, das wir vnferm lieben getrewenn Thomas zweck vnd seinen menlichen Leibs lehns erben alle vnd igliche Lehengutter zu kwnow, zum Boberbergk vnd Im Boberbergischen lande gelegenn, mit vhidriffen, Scheffereien, holczungen, aller nuczung vnd zugehorunge, nichts aufzgenohmen, In masszen die vnfer lieber getrewer hanz Cschernicz, seine eltern vnd forfahren in lehen, gebrauch vnd gewehren von vnns vnd der Marggraueschafft zu Brandenburg gehatt, herbracht vnd besessenn, von dem er die selbigen gutter erblichenn gekaufft vnd der genante Czfchernicz die vor vnns vff gemelts Thomas Czweckes vnd seiner erben behuff mit handt vnd munth, wie recht, abgetreten vnd verlassen, zu rechten manlehen gnediglich gelihenn habenn, vnd lihen Im vnd seinen menlichen Leibs lehns erbenn solch gutter zu rechtem manlehn in vnd mit crafft diez briues etc. — Actum am tag augustini, Anno etc. tertio

Nach dem Churm. Lehnscopialbuche XXX, 136.